

D. D.

Dissertatio Physico-Mathematica

De

# INFLEXIONIBUS LAMINARUM ELASTICARUM,

CUJUS  
PARTICULAM I.

*Conf. Ampl. Fac. Philos. Aboëns.*

*Publico Examini submittunt*

AUCTOR

JOHANNES HENR.  
LINDQVIST,

Math. Docens,

Et

*RESPONDENS*

ISAACUS HOECKERT,

*Stipend. Reg. Borea-Finl.*

Die 23 Junii 1777.


L. H. Q. A. M. S.

---

*ABOÆ*

Impressit JOHANNES CHRISTOPH. FRENCKELL,  
Reg. Acad. Typogr.

Tahl: S. 298 vom Sc:



*VIRO Perquam Reverendo atque Clarissimo,  
D:no JOHANNI HOECKERT,  
Sacellano in Nousis meritissimo.*

PARENTI INDULGENTISSIMO.

**E**xoptatissimam tandem anxiisque diu expeditam votis illuxisse diem, qua meam in Te, Parens Optime, summam ob infinita a primis incunabulis percepta amoris documenta, intra angusta cordis sepimenta delitescentem ha-  
etenus pietatem, palam expromere liceat, exultans gau-  
deo. Sed obstupescens mox fateri cogor, tantam benefi-  
ciorum Tuorum esse multitudinem, ut eadem ingenii vires sufflaminet, utque eorum copia ad verborum redigar in-  
opiam. Pro tanto itaque Tuo Parens O. favore, cum nihil suppetat quod rependam, velis voluntatem pro actu,  
hanc publicam gratissimæ mentis tesseram remunerationis loco, excipere, enixe rogo. Meum erit, Summum Numen ardentissimis implorare suspiriis, dignetur Te, Genitor Carissime, ad Nestorem usque senectam omnigena felici-  
tate cumulatum, suavissimo demum Beatorum transcribe-  
re consortio! Ita votet, ita optat

PARENTIS INDULGENTISSIMI

*Filius obedientissimus  
ISAACUS HOECKERT.*



## §. I.

**U**t in genere maxime se commendat Doctrina Elasticitatis usu illo multifario, quem nobis præstant corpora insigni hac proprietate prædita; ita hoc in specie dicendum erit de laminis Elasticis, quarum in Machinis Mechanicis quam plurimis maximum est momentum, quarumque ideo minime negligenda Theoria. Cujus quæ utilitatem loquuntur sexcenta alia ut reticeamus exempla, nominasse solum sufficiat Horologia Automata portatilia, quibus tam ad motum excitandum, quam ad eundem moderandum, laminæ hujusmodi commodissime applicantur. Accuratam igitur temporis mensuram horum ope unquam obtineri frustra speratur, nisi rite cognoscantur proprietates atque figura laminæ Elasticæ inflexæ, & in primis qualis hinc pro data quavis inflexione fiat ejus vis tensionis. Figuræ hujus, quæ *Curva Elastica* communiter dicitur, nullam factam invenimus mentionem ante tempora GALILÆI, qui illam esse parabolam primus suspicatus est. Tamdiu etiam intactam mansisse, recentiorique demum ævo elaborari inceptam utilissimam hanc doctrinam, nemo mirabitur, qui cogitaverit, iis Veteres destitutos fuisse adminiculis, fine quibus ne latum quidem, ut ajunt, unguem in il-

A

lo

lo progreedi licet. Quod enim in reliqua *Scientia Naturali* frequenter accedit, id etiam in hoc Capite in primis locum obtinet, ut experimentis singulari artificio atque acceuratione institutis adjungere oporteat sublimiorem Geometriam atque subtilissimam illam recentius inventam Analysis Infinitorum. Hypothesis ejus meminimus GALILÆI de figura Curvæ Elasticæ per totum sere saeculum post eum invaluit. Errorum vero hunc tandem discussit Cel. Basileensis Mathematicus JAC. BERNOULLI, qui inflexiones Elateris ad calculum revocare primus aggressus est. Anno 1691 ex occasione Problematis Funicularii in naturam Curvæ Elasticæ inquirere cœpit, illamque mox pro Casu saltim specialissimo detexit. Suppressa vero sua Analyti, in *Actis Eruditorum Lipsiensibus ejusdem Anni* Problema hoc de invenienda Curvatura Laminæ Elasticæ solvendum Eruditis proposuit. Triennio post quum nemo ad postulatum Ejus respondisset, in *Act. Lips. 1694* constructionem Curvæ Elasticæ ipse dedit, eatenus quidem generaliorem, quatenus ad assumtam quamcunque Legem Tensionis applicari possit, non tamen ideo absolutam, quippe cum ad tensiones solum fibrarum extremarum in superficie Laminæ convexa attendat, nullo habito respectu compressionis in parte concava. Hoc cum ei objiceretur, idem rursus Problema tractandum suscepit in *Act. Lips. 1695*, ita tamen ut extremas tantum fibras in superficie convexa extendi & in concava comprimi supponeret, intermediarum vero omnium

3

um nullam rationem haberet. Tandem ut hoc quoque  
vitium tolleret, in *Actis Acad. Scient. Paris. pro Anno*  
*1705* idem argumentum denuo persecutus est ita ut  
omnes fibras per totam Laminæ crassitatem calculo  
subjicere conaretur. Quum vero principium illud,  
cui in primis postremam hanc suam solutionem super-  
struxit, non fatis rigide demonstratum, immo fallsum  
esse deprehenderetur (cfr. *Jac. Bernoulli Opp. Tom.*  
*II. p. 983. 984 in notis*), materia hinc satis ampla  
in rem hanc inquirendi aliis post eum Mathematicis  
relicta est, quorum omnium conamina Problema hoc  
solvendi recensere per longum foret. Quicquid sit,  
nondum perfecte solutum idem censi potest, nam  
(ut verbis utar *Ill. EULERI in Nov. Comment. Acad.*  
*Petrop. Tom. XV. pro Anno 1770. p. 381.*) quæ adhuc de fi-  
gura Corporum flexibilium & elasticorum a Geometris in me-  
dium sunt allata, non latius quam ad fila simplicia sunt exten-  
denda, ---- quare longissime adhuc sumus remoti a Theoria  
completa, cuius openon solum superficierum, sed etiam corpo-  
rum flexibilium figura definiri queat; atque hæc Theoria e-  
tiam nunc tantopere abscondita videtur, ut ne prima quidem  
ejus principia adhuc sint evoluta. Hinc etiam fore spera-  
mus, ut nobis facile ignoscatur, quod de Inflexioni-  
bus Laminarum ejusmodi Elasticarum tentamina no-  
stra, licet minus perfecta nec omni numero absoluta,  
publicæ luci committere audeamus. Quid vero hæc  
in re præstiterimus, B. Lector ipse judicet.

§. 2.

*Elastica* dicuntur Corpora, quæ, si figura eorum

vi aliqua comprimente, extendente aut flectente mutetur, cessante ista vi, sponte ad figuram pristinam tendunt. *Elasticitas* igitur est illa corporum proprietas, qua post factam ejusmodi mutationem, priorem suam formam recuperare nituntur. *Perfecta* hæc censetur, si corpora se restituant eadem vi, qua mutata fuit figura: *Imperfecta* vero, si minori. Unde sequitur *Gradus Elasticitatis* rite æstimandos esse ex ratione illa inter vim restitutionis & vim mutantem. Ad hanc vero vim restitutricem quam maxime attendendum judicamus, cum imperfecta sit omnis Elasticitas, quam in corporibus hucusque deprehendere licuit.

## §. 3.

**AXIOMA I.** Si fibra elastica homogenea secundum longitudinem utcunque extendatur vel comprimatur, singularum ejus partium æqualium æqualis erit tensio vel compressio.

**AXIOMA II.** Si fibræ similes & æquales, ejusdemque elasticitatis, æqualiter extensæ vel compressæ sint, vires quibus se restituere conantur etiam æquales erunt.

## §. 4.

**LEMMA.** Si fibræ homogeneæ  $AB$ ,  $ab$  (Fig. 1.) ejusdem elasticitatis & crassitie, fixæ in  $B$ ,  $b$  extendantur ad  $M$ ,  $m$  (vel comprimantur ad  $N$ ,  $n$ ) ita ut  $AM$ : $am$  (vel  $AN$ : $an$ ) sint in ratione longitudinum  $AB$ : $ab$ ; Vires, quibus se restituere conantur hæ fibræ, erunt æquales.

**Demonstr.** Utraque fibra extensa si dividatur in elementa æqualia  $MR = RS \&c. = mr = rs \&c.$  patet

patet (*hyp. & §. 3.*) quodlibet horum æqualiter tendi. Ponantur jam puncta  $R, r$  tantisper fixa, punctis vero  $M, m$  applicatas Potentias  $P, Q$ , quæ in statu illo extensionis retinere valent elementa  $MR, mr$ , quæque ideo æquipollent viribus, quibus eadem elementa se contrahere conantur. Ob æqualitatem igitur & homogeneitatem, nec non eandem (*dem.*) tensionem horum Elementorum, erit  $P = Q$  (*§. 3. Ax. II.*). Eadem vero vi, qua  $P$  agit in  $M$ , aget etiam in  $R$ , ad eoque si loco ipsius  $R$  iterum concipiatur punctum  $S$  fixum, ob æquales tensiones ipforum  $MR$  &  $RS$  (*§. 3. Ax. I.*), ad totum  $MS$  in eodem tensionis statu retinendum eadem Potentia  $P$  præcise sufficiet. Hoc quum de ceteris omnibus elementis utriusque  $BM$  &  $bm$  æqualiter valet, sequitur ob  $P = Q$  (*dem.*) utramque fibras eadem vi semet contrahere conari.

Pari modo probatur æqualitas virium, quibus fibræ istæ compressæ se restituere nituntur.

### §. 5.

Quam rationem in genere sequantur extensiones vel compressiones ejusdem fibræ diversis potentiarum tensarum vel compressarum, inter desiderata in Scientia Naturali adhuc referendum judicamus. Vulgatissima quidem est hypothesis, illas viribus hisce proportionales esse. Experimentis etiam evictum est, hanc rationum æqualitatem faltem obtinere, si extensiones illæ admodum sint exiguæ. Hypothesin vero hanc univerfaliter sumtam, non dubiam modo, sed & minus veram, plures evincunt rationes (*vid. sis Jac. Bernoulli*

*li Opp. Tom. II. p. 981.*). Ut igitur problematis nobis propositi generalem exhibeamus solutionem, misfa haec hypothesi, supponimus fibram simplicem datae longitudinis  $\alpha\beta = f$  (Fig. 2.) fixam in  $\beta$  extensamque ad  $\alpha$ , conari se contrahere potentia aliqua  $= p'$ ; & ex puncto  $\alpha$  erigi ad  $\alpha\alpha$  normalem  $\alpha\kappa$ , quae sit ad  $f$ , ut  $p'$  ad datam aliquam potentiam  $k$ . Si hac ratione pro quavis fibræ  $\alpha\beta = f$  extensione  $\alpha\mu = t$ , potentiae  $p'$  proportionalis fiat  $\alpha\kappa = p$ , obtinetur linea  $\alpha\kappa\delta$ , quæ scilicet est locus omnium punctorum  $\kappa$ , quamque ideo *Lineam Tensionum* nominamus. Pari modo si eadem fibra  $\alpha\beta$  (manente  $\beta$ ) comprimatur ad  $\alpha'\beta$  & ita compressa se relaxare nitatur vi  $= q'$ , atque ipsi  $\alpha\alpha' = v$  normalis fiat  $\alpha'\kappa' = q$ , quæ sit ad  $f :: q' : k$ , oritur *Linea Compressionum*, locus scilicet omnium punctorum  $\kappa'$ . Vero simillimum quidem videtur, *Lineam Compressionum* esse continuationem *Lineæ Tensionum* versus partem oppositam, quum compressio nihil aliud sit quam negativa tensio, sicut  $p'$  &  $q'$  non sunt nisi vires restituentes, quæ in directione contraria agunt. Interim tamen ne tali admissa hypothesi, de universalitate problematis solvendi aliquid decedat, generatim Lineas  $\alpha\kappa\delta$  &  $\alpha'\kappa'\delta'$  utcunque differentes supponimus. Ulterius si ad rectam  $\alpha\beta = f$ , areae  $\alpha\kappa\alpha$  ( $= spdt$ ) æquale applicetur rectangulum, quod sit  $= ft'$ , & areae  $\alpha\mu'\kappa'$  ( $= sqdv$ ) æquale rectangulum  $= fv'$ , eriganturque ex punctis  $\mu$  &  $\mu'$  ipsi  $\mu\mu'$  perpendiculares  $\mu\lambda = t'$  &  $\mu'\lambda' = v'$ , puncta  $\lambda$  &  $\lambda'$  alias dabunt curvas  $\alpha\lambda\varsigma$  &  $\alpha\lambda'\varsigma'$ , quas compendii causa-

fa

sa Quadratrices Lineæ Tensionum & Compressionum dicere liceat; quarumque usum in construenda Curva Elastica in sequentibus ostendemus.

*Cor. 1.* Quum in omnibus Corporibus non eadem deprehendatur vis Elastica, sequitur, pro fibris diversi generis, diversas quoque fore lineas tensionum & compressionum. Quare dum has lineas cum earum Quadratricibus in seqq. adhibemus ad inveniendas inflexiones Laminæ Elasticae, illas semper supponimus constructas pro fibra ejusdem generis, cujus sunt fibræ Laminam illam constituentes.

*Cor. 2.* Quoniam evanescente  $t$  (vel  $v$ ) evanescunt simul  $p$  & area  $spdt$  (vel  $q$  &  $sqdv$ ) adeoque etiam  $t'$  (vel  $v'$ ), patet utramque Lineam & Tensionum & Compressionum, cum earum Quadratricibus per punctum  $\alpha$  transire. Cumque sit  $dt' = pdt$  &  $dv' = qdv$ , recta  $\beta\alpha\gamma$  utramque Quadratricem tanget in eodem punto  $\alpha$ .

*Cor. 3.* Si Vires restituentes ponuntur Tensionibus (atque Compressionibus) proportionales,  $\alpha\beta\delta$  (&  $\alpha'\beta'\delta'$ ) sunt lineæ rectæ. Hac vero assumta hypothesi, quum fiat  $t'$  (&  $v'$ ) proportionalis ipsi  $tt$  (&  $vv$ ), patet utramque Quadratricem fore Parabolam Conicam, cuius vertex  $\alpha$  & axis  $\alpha\zeta$  ad rectam  $\beta\alpha$  perpendicularis.

### §. 6.

Ut a Casu simpliciori initium fiat, Laminam inflectendam, cuius in singulis punctis Elasticitas absoluta sit eadem, primo supponimus gravitatis expertem & in situ suo naturali seu ante inflectionem in directum extensam esse & quidem figura gaudere parallelepipe-

di rectangularis, cuius longitudo sit  $a$ , latitudo  $b$  & crassitas  $AA'$  (Fig. 3.) =  $2c$ ; postea visuri, quomodo in Casibus magis compositis inflexio Laminæ determinari queat. Lamina hæc fixa in  $AA'$  e situ suo rectilineo in statum quemvis violentum  $AA'LB'B$  inflectatur, ita quidem ut sub ista inflexione latus ejus  $A'MB'$  semper in eodem plano maneat. Alteri extremitati  $BB'$  in directione data  $BP$  applicata sit potentia  $P$ , quæ in situ hoc inflexo retinere valet Laminam, ita ut inter singulas ejus partes æquilibrium obtineat. Hoc factō, generatim patet, quod si Lamina ita inflexa figatur in aliquo puncto  $M$  vel, quod eodem recidit, si pars ejus  $MA$  rigescere ponatur, ita tamen ut in figura ejus nihil immutetur, ad reliquam partem in eodem statu  $MB'$  retinendam, eadem adhuc potentia  $P$  requiratur. Pari ratione manifestum est, quod rigescente ad alteram extremitatem portione aliqua  $B'H$ , manente cæteroquin figura, reliqua pars  $HM$  ope potentiae  $P$  adhuc in eodem situ conservetur. Unde sequitur, quod si punctum  $H$  migrare concipiatur in  $N$  infinite propinquum ipsi  $M$ , vis illa, qua quodvis Laminæ Elementum  $MNOL$ , planis  $ML$  &  $NO$  ad curvam normalibus interceptum, situm suum naturalem recuperare conatur, in æquilibrio sit cum potentia  $P$ . Sit vero hujus elementi figura naturalis  $Mm'lL$ , (Figg. 3.4.) quæ, facta inflexione, mutata est in  $MNOL$ , ita ut fibræ quæcunque exteriores  $DV$  extensæ sint ad  $X$ , interiores autem  $EU$  compressæ ad  $T$ . E puncto  $N$  ad directionem  $PB$  potentiae  $P$  perpendicularis ducatur  $NQ$ , quæ dicatur  $y$ , & ad idem punctum curvæ tangentis

gens

gens  $NT$ . Angulus  $NTQ$  dicatur  $\phi$  & portio curvæ  $BNs$ , Productæ  $ML$  &  $NO$  sibi invicem occurrant in  $R$ , ita ut ad  $N$  fiat Radius Osculi  $RN = r$ . Erit igitur (per Method. Tang.)  $rd\phi = ds$  &  $dy = ds \sin \phi$ , posito  $\text{Sinu Toto} = 1$ . Quum jam singulæ fibræ extensæ & compressæ circa punctum  $S$  circumrotare nitantur  $NO$  instar vectis in situm  $ml$ , huic vero circumrotationi resistat potentia  $P$ ; patet summam momentorum omnium fibrarum æquari momento ipsius  $P$ . Ut itaque determinantur momenta illa, fibræ cujusvis extensæ  $DX$  a puncto  $S$  distantia  $SV$  dicatur  $u$ , & ob ang.  $mSN = MRN$  erit  $VX = ud\phi$ , longitudo autem ipsius fibræ  $DV = ds$ , adeoque  $VX:DV::ud\phi:ds::u:r$ . Retentis porro iisdem denominationibus ac §. 5. (Fig. 2.) si fiat  $a_u$  vel  $t:f::VX:DV::u:r$ , vires quibus semet contrahere nituntur fibræ ita extensæ  $DX$  &  $bu$  erunt (§. 4.) aequales. Vis igitur fibræ  $DX$  (§. 5.) erit  $= kp:f$ , adeoque ejus momentum  $= krpt:ff$ . Si jam cujusvis fibræ crassities sit  $e^2$ , atque ipsi  $V$  infinite propinquum sumatur punctum  $v$ , per quæ duo puncta concipientur plana ipsi  $ml$  normalia, multitudo fibrarum his planis interceptarum erit  $= \frac{b r d t}{e e f}$ , unde harum fibrarum momentum  $= \frac{b k r r p t d t}{e^2 f}$ , adeoque summa momentorum omnium fibrarum inter  $S$  &  $V = \int_{e e f}^{b k r r p t d t}$ . Est autem  $\int_f^{p t d t} =$  areæ quadraticis  $a \lambda \pi$ . (§. 5.) Ergo sumta  $a y:f::Sm:r$ , erit summa momentorum omnium fibrarum extensa-  
rum  $= \frac{b k r r \cdot a \epsilon \zeta}{e e f f}$ . Eodem modo determinantur mo-



menta singularum fibrarum compressarum  $EY$ , quorum itaque momentorum (facta  $\alpha\gamma:f::Sl:r$ ) summa erit  $= \frac{bkrr.\alpha\gamma\zeta}{eef}$ . Quumque momentum ipsius  $P$  sit  $= P.NQ = Py$ , erit  $e^2f^2Py = bkr^2(\alpha\zeta + \alpha'\zeta)$ . Si ulterius potentia  $P$  resolvatur in binas, tangentialem unam, alteram normalem, illa in directione  $NT$  agens erit  $= P \cos\phi$ . Singulæ vero fibræ compressæ, semet restituere conantes, planum illud  $NO$  in eadem directione  $NT$  urgent viribus, quarum summa reperitur  $= \frac{bkr.\alpha\zeta}{eef}$ . Hoc autem planum in contrariam plagam premitur a viribus, quibus se relaxare nituntur fibræ extensæ, quarumq; virium summa  $= \frac{bkr.\alpha\zeta}{eef}$ . Ergo  $PCos\phi - \frac{bkr}{eef}(\alpha\zeta - \alpha'\zeta)$  erit vis, quæ urget planum  $NO$  in directione tangentis  $NT$ , singulaque sic ejus puncta, consequenter etiam ipsum  $S$ , a plano  $ML$  elongare conantur. Cum vero limes extensionum atque compressionum in  $S$  ponatur, adeoque longitudo ipsius fibræ  $GS$  invariata; patet hanc vim fore  $= 0$ , unde  $e^2fP \cos\phi = bkr(\alpha\zeta - \alpha'\zeta)$ . Exinde porro quod  $\alpha\gamma:f::Sm:r$  &  $\alpha\gamma':f::Sl:r$ , sequitur esse  $\gamma\gamma' = 2cf:r$ . Tres vero hæ, quas sic obtinuimus aequationes, si cum iis comparentur, quæ naturam utriusque curvæ  $\alpha\epsilon$  &  $\alpha\epsilon'$  ex data quavis tensionum atque compressionum Lege (§. 5.) declarant, ope Methodi Tang. tandem pervenietur ad aequationem pro ipsa Cūrva Elastica, quod specialioribus exemplis in seqq. illustrabimus.

